


Morutabana Akinyi


Lawrence A. Konjuro
Setswana





O ke morutabana wa me.
Leina la gagwe ke
Morutabana Akinyi.

O nthata go menagane.



Morutabana Akinyi o re
ruta medumo.

Ke kgona go dira medumo
a, e, i, o, u.



Morutabana Akinyi o re
rutile mebala e e
farologaneng: Khibidu,
botala jwa legodimo, tala
tlae le bontsho.

Ka nako ya go robala
Morutabana Akinyi o re
robatsa ka pina.

O re opelela pina e e
monate.



Pina eo yone e opelwa jaana:

Boroko bo bo monate fa matlho a gago


Menyebo e lo emetse fa lo tsoga

Robalang bana ba bantle, lo se lele


Ke tla lo opelela pina e e molotsana.

Morutabana Akinyi o itse dikgang-khutswe tse di ntsi.


O re anegela dikhutswe tse di farologaneng letsatsi le letsatsi.



Ka Mosupologo o re
anegela khutswe ka banna
ba bagale.




Ka Labobedi o re anegela khutswe ka basadi ba bagale.




Ka Laboraro o re anegela
ka mefuta e e farologaneng
ya dipalangwa.

Ka Labone o re anegela ka temo.




Mme ka Labotlhano
Morutabana Akinyi o re
kopa gore re anege
dikhutswe tsa rona mo
phaposing-borutelo.



Morutabana wa rona ke wa
makgonte mo lefatsheng!

Fa ke gola ke batla go nna
fela jaaka Morutabana
Akinyi.



Morutabana Akinyi

Writer: Lawrence A. Konjuro

Illustration: Vusi Malindi

Translated By: Lorato Trok


Language: Setswana

© African Storybook Initiative, 2015



This work is licensed under a Creative Commons Attribution
(CC-BY) Version 3.0 Unported Licence

Disclaimer: You are free to download, copy, translate or adapt this story and use the illustrations as long as you attribute or credit the original author/s and illustrator/s.



This story was developed at a workshop held at Kenyatta University, with Kenyatta University students, run by Dorcas Wepukhulu and Dr Adelheid Bwire. This book is published in memory of student teacher Lawrence A Konjuro.

Saide 
South African Institute
for Distance Education

www.africanstorybook.org
A Saide Initiative